

Ծ Ր Ա Գ Ի Ր

«ԶԲՈՍԱՇՐՋՈՒԹՅԱՆՆ ԱԶԱԿՑՈՒԹՅԱՆ ԾԱՌԱՅՈՒԹՅՈՒՆՆԵՐ»  
2015 ԹՎԱԿԱՆԻ

I. ՆԱԽԱԲԱՆ

1. Միավորված ազգերի կազմակերպության զբոսաշրջության համաշխարհային կազմակերպության (այսուհետ՝ ՄԱԿ ԶՀԿ) տվյալներով՝

1) 2014 թվականին միջազգային զբոսաշրջային այցելությունների թիվը կազմել է 1.138.000.000՝ 4.7 տոկոսով ավելի, քան 2013 թվականին էր: Այս ցուցանիշը նախորդ տարվա նույն ժամանակահատվածի համեմատ ավելացել է 51 միլիոնով:

2) վերջին տարիներին համաշխարհային զբոսաշրջային այցելությունների միջին տարեկան աճը կազմել է 4-4.5 տոկոս:

3) 2013 թվականին ներքին զբոսաշրջային այցելությունները համաշխարհային մակարդակով կազմել են շուրջ 5-6 միլիարդ:

2. Զբոսաշրջությունը Հայաստանում նույնպես արձանագրում է դրական զարգացումներ՝ գրանցելով թե՛ ներգնա և թե՛ ներքին զբոսաշրջային այցելությունների թվի կայուն և դինամիկ աճ:

3. Վիճակագրական տվյալներով՝

1) 2014 թվականին Հայաստան է այցելել 1.203.746 միջազգային զբոսաշրջիկ՝ 11.3 տոկոսով ավելի, քան 2013 թվականի նույն ժամանակաշրջանի ընթացքում:

2) 2013 թվականին ներքին զբոսաշրջիկների թիվը կազմել է 669.540՝ 2012 թվականի նույն ժամանակաշրջանի նկատմամբ ցուցանիշն աճել է 30.1 տոկոսով:

3) 2014 թվականի հունվար-սեպտեմբեր ամիսներին ներքին զբոսաշրջիկների թիվը կազմել է 785.180: 2013 թվականի նույն ժամանակաշրջանի նկատմամբ ցուցանիշն աճել է 33,7 տոկոսով:

4. 2000-2014 թվականների ընթացքում Հայաստան այցելած ներգնա զբոսաշրջիկների թիվն ավելացել է ավելի քան 26 անգամ:

## II. ԾՐԱԳՐԻ ՄՇԱԿՄԱՆ ՀԻՄՔԵՐԸ

5. Ծրագրի մշակման համար հիմք են՝

1) «Զբոսաշրջության և զբոսաշրջային գործունեության մասին» Հայաստանի Հանրապետության օրենքը.

2) 2008 թվականի փետրվարի 13-ին Հայաստանի Հանրապետության կառավարության հավանությանն արժանացած Զբոսաշրջության զարգացման հայեցակարգը:

## III. ԾՐԱԳՐԻ ՆՊԱՏԱԿԸ

6. Ծրագրի հիմնական նպատակն է նպաստելը՝

1) միջազգային շուկայում հայկական զբոսաշրջային արդյունքի մրցունակության բարձրացմանը.

2) դեպի Հայաստան զբոսաշրջային հոսքերի շարունակական ավելացմանը (շուրջ 10 տոկոս).

3) համայնքներում զբոսաշրջության զարգացմանը.

4) ներքին զբոսաշրջության զարգացմանը.

5) համաշխարհային զբոսաշրջային արդյունաբերությանը Հայաստանի ինտեգրմանը:

## IV. ԾՐԱԳՐԻ ԽՆԴԻՐՆԵՐԸ

7. Ծրագրի նպատակների իրականացման համար ծրագրային միջոցառումներն ուղղված են հետևյալ խնդիրների լուծմանը՝

1) միջազգային շուկայում Հայաստանի՝ որպես զբոսաշրջության համար բարենպաստ և գրավիչ երկրի նկարագրի ամրապնդում և զարգացում.

2) հայկական զբոսաշրջային արդյունքի դիվերսիֆիկացում.

3) զբոսաշրջային ենթակառուցվածքների և մարդկային ռեսուրսների զարգացում.

4) համայնքներում զբոսաշրջային ներուժի բացահայտում և ներքին ու միջազգային զբոսաշրջային շուկայում ներկայացում և խթանում.

5) զբոսաշրջության ապակենտրոնացում դեպի հանրապետության մարզեր և համայնքներ.

6) ակտիվ և արդյունավետ միջազգային համագործակցության իրականացում:

#### V. ԾՐԱԳՐԱՅԻՆ ՄԻՋՈՑԱՌՈՒՄՆԵՐԻ ՀԱՄԱԿԱՐԳԸ

8. 2015 թվականին շարունակվելու է հայկական զբոսաշրջային արդյունքի մրցունակության բարձրացման, ակտիվ մարքեթինգային քաղաքականության իրականացման, համայնքներում զբոսաշրջության զարգացման ու արդյունավետ միջազգային համագործակցության ապահովման միջոցառումների իրականացումը:

9. Մարքեթինգային քաղաքականության իրականացման շրջանակներում նախատեսվում է ավելացնել հեղինակավոր միջազգային ցուցահանդեսների թիվը, որոնց Հայաստանը կմասնակցի պետություն-մասնավոր հատված համագործակցությամբ, ինչպես նաև այդ մասնակցությունը դարձնել առավել ներկայանալի: Նախատեսվում է նաև ընդլայնել ճանաչողական այցերի կազմակերպման աշխարհագրությունը, ավելացնել գովազդատեղեկատվական նյութերի քանակն ու տեսականին:

10. 2015 թվականին կշարունակվի պետական աջակցությունը փառատոների և տոնակատարությունների կազմակերպմանը: Փառատոների կազմակերպումը նպաստում է համայնքներում զբոսաշրջության զարգացմանը, համաչափ տարածքային տնտեսական զարգացմանը, հայկական զբոսաշրջային արդյունքի դիվերսիֆիկացմանը, ներգնա ու ներքին զբոսաշրջային հոսքերի ավելացմանը:

11. «Զբոսաշրջության և զբոսաշրջային գործունեության մասին» Հայաստանի Հանրապետության օրենքին և Հայաստանի Հանրապետության կառավարության 2004 թվականի հունիսի 10-ի N 946-Ն որոշմանը համապատասխան՝ 2015 թվականին կշարունակվի հյուրանոցային տնտեսության օբյեկտների որակավորման և պարբերական գնահատման գործընթացը Երևանում և Հայաստանի Հանրապետության մարզերում՝ ի նպաստ հյուրանոցային ծառայությունների որակի ապահովման:

12. Զբոսաշրջային տեղեկատվական կենտրոնների գործունեության ապահովումն էական նշանակություն ունի հայկական զբոսաշրջային արդյունքի մրցունակության բարձրացման գործընթացում: 2015 թվականին պետական աջակցություն կցուցաբերվի հանրապետության տարբեր համայնքներում, վերջիններիս հետ համագործակցությամբ՝ զբոսաշրջային տեղեկատվական կենտրոնների գործունեությանը:

13. 2015 թվականին կշարունակվի պետական աջակցությունը Զբոսավարների ասոցիացիաների համաշխարհային ֆեդերացիայի (WFTGA) հետ համագործակցության շրջանակներում Երևանում Զբոսավարների միջազգային կրթական կենտրոնի գործունեության ապահովմանը: Կենտրոնի գործունեությունը կնպաստի միջազգային չափանիշներին համապատասխանող, բարձրակարգ զբոսավարների պատրաստմանը և վերապատրաստմանը, միջազգային շուկայում Հայաստանի հեղինակության ու մրցունակության բարձրացմանը:

14. Ծրագրում ներառված են նաև միջոցառումներ՝ ուղղված զբոսաշրջային տների ցանցի ձևավորմանն ու զարգացմանը՝ ի նպաստ համայնքներում զբոսաշրջության զարգացման և հայկական զբոսաշրջային արդյունքի մրցունակության բարձրացման գործընթացի:

15. «Զբոսաշրջության և զբոսաշրջային գործունեության մասին» Հայաստանի Հանրապետության օրենքի 4-րդ հոդվածի 6-րդ կետով զբոսաշրջության բնագավառում միջազգային համագործակցության զարգացման ապահովումը սահմանված է որպես պետական քաղաքականության հիմնական սկզբունք, իսկ օրենքի 5-րդ հոդվածի 1-ին

մասի 2-րդ կետով միջազգային կապերի զարգացմանը և միջազգային ինտեգրմանը նպաստող համակարգի ստեղծումը՝ որպես պետական քաղաքականության հիմնական նպատակ: Միջազգային համագործակցության շրջանակներում 2015 թվականին միջոցառումները կուղղվեն զբոսաշրջության բնագավառում համագործակցության վերաբերյալ միջազգային համաձայնագրերի և գործնական ծրագրերի կատարմանը, ինչպես նաև ՄԱԿ ԶՀԿ, ԱՊՀ և այլ միջազգային և տարածաշրջանային կազմակերպությունների ու գործընկերների հետ համագործակցության շրջանակներում ծրագրերի և միջոցառումների իրականացմանը կամ դրանց մասնակցությանը:

#### VI. ՀԱՄԱԳՈՐԾԱԿՑՈՒԹՅՈՒՆԸ՝ ԾՐԱԳԻՐՆ ԻՐԱԿԱՆԱՑՆԵԼԻՍ

16. Ծրագրի իրականացումը նախատեսվում է ապահովել շահագրգիռ կողմերի՝ պետական կառավարման, տեղական ինքնակառավարման մարմինների, մասնավոր հատվածի և միջազգային կազմակերպությունների համագործակցությամբ:

#### VII. ԾՐԱԳՐԻ ՖԻՆԱՆՍԱԿԱՆ ԱՊԱՀՈՎՈՒՄԸ

17. «Զբոսաշրջությանն աջակցության ծառայություններ» 2015 թվականի ծրագիրը կիրականացվի Հայաստանի Հանրապետության 2015 թվականի պետական բյուջեի ֆինանսավորմամբ՝ 188 400.0 հազ. դրամի չափով, և Հայաստանի Հանրապետության օրենսդրությամբ չարգելված այլ միջոցների հաշվին (մասնավոր հատվածի և այլ շահագրգիռ կողմերի համաֆինանսավորմամբ):

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ

Ժ Ա Մ Ա Ն Ա Կ Ա Ց ՈՒ Յ Ց

«ԶԲՈՍԱՇՐՋՈՒԹՅԱՆՆ ԱԶԱԿՑՈՒԹՅԱՆ ԾԱՌԱՅՈՒԹՅՈՒՆՆԵՐ» 2015 ԹՎԱԿԱՆԻ ԾՐԱԳՐԻ  
 ԻՐԱԿԱՆԱՑՄԱՆ ՄԻՋՈՑԱՌՈՒՄՆԵՐԻ

NN ը/կ	Միջոցառման անվանումը	Ակնկալվող արդյունքը	Վերստուգելի չափանիշը	Պատասխանատու կատարողները (համակատարող- ները)	Կատարման ժամկետը	Ֆինանսա- վորման աղբյուրը
1.	Հայկական զբոսաշրջա- յին արդյունքի միջազ- գային և ներքին շուկա- ներում խթանում (զբո- սաշրջության ոլորտի գովազդատեղեկատվա- կան համակարգի կատարելագործում)	Միջազգային շուկայում Հայաստանի՝ որպես զբոսաշրջության համար բարե- նպաստ և գրավիչ երկրի՝ նկարագրի շարունակական ամրապնդում  Միջազգային և ներքին շուկայում հայ- կական զբոսաշրջային արդյունքի ճանաչելիության և գրավչության բարձրացում		ՀՀ էկոնոմիկայի նախարարություն  Հայաստանի զարգացման հիմնադրամ (համաձայնու- թյամբ)	2015 թ. ընթացքում	ՀՀ պետական բյուջե  ՀՀ օրենքով չարգելված այլ աղբյուրներ
1.1.	Գովազդատեղեկատվա- կան համակարգ					
1.1.1.	Տպագիր և էլեկտրո- նային գովազդատեղե- կատվական նյութեր	Բազմալեզու գովազդատեղեկատվական նյութերի մշակում, տպագրում և տարածում	Վեց լեզուներով մշակված և տպագրված Հայաս- տանը ներկայացնող առնվազն 12000 բրոշյուր- ներ և քարտեզներ՝ տա- րածված պահանջարկի շուկաներում			

			Ձեռք բերված կամ բազմացված երեք լեզուներով առնվազն 550 տեսանյութ		
1.1.2.	Էլեկտրոնային մարքե- թինգի ապահովում	Մշտապես գործող և թարմացվող գրոսաշրջային մասնագիտացված Էլեկտրոնային կայքի միջոցով և այլ Էլեկտրոնային մարքեթինգային գործիքներով Հայաստանի և հայկական գրոսաշրջային արդյունքի ներկայացում	Կգործի և պարբերաբար կթարմացվի Հայաստանի գրոսաշրջային մասնա- գիտացված կայքը՝ armenia.travel Էլեկտրոնային կայքի միջոցով, և այլ Էլեկտրոնային մարքե- թինգային գործիքներով կապահովվի Հայաստանի և հայկական գրոսաշրջային արդյունքի պատշաճ ներկայացումը  Կապահովվի առնվազն մեկ լրացուցիչ օտար լեզվով թարգմանություն		
1.1.3.	Համացանցով, սոցիա- լական ցանցերով Հա- յաստանի և հայկական գրոսաշրջային ար- դյունքի ներկայացում	Հայաստանը ներկայացնող գովազդային հոլովակների պատրաստում, համա- ցանցի, սոցիալական ցանցերի և այլ միջոցներով համաշխարհային շուկայում ներկայացում	Առնվազն մեկ հոլովակի ներկայացում		
1.1.4.	Պետական աջակցու- թյուն գրոսաշրջային տեղեկատվական կենտ-	Զբոսաշրջային տեղեկատվական կենտ- րոնների բնականոն գործունեության ապահովման համար ֆինանսական,	Պետական աջակցություն առնվազն չորս գրոսա- շրջային տեղեկատվական		

	րոնների գործունեության ապահովմանը	տեղեկատվական և մեթոդական աջակցության տրամադրում	կենտրոնների բնականոն գործունեության ապահովմանը			
1.1.5.	Պետական աջակցություն Համահայկական աշխարհագրական ասոցիացիային՝ «Բացահայտիր Հայաստանը» և «Երևան» հեռուստածրագրերի պատրաստման և հեռարձակման համար	«Բացահայտիր Հայաստանը» և «Երևան» հեռուստածրագրերի միջոցով ներքին շուկային և հայկական սփյուռքին հայրենական զրոսաշրջային գրավչությունների ներկայացում	Հայաստանի հանրային հեռուստատեսությամբ 24-ական անգամ կհեռարձակվեն «Բացահայտիր Հայաստանը» և «Երևան» ծրագրերը			
1.1.6.	Թիրախային շուկայում Հայաստանի խթանում. Հայաստանը միջազգային զրոսաշրջային ուղեցույցների շարքում	Միջազգային հեղինակավոր զրոսաշրջային ուղեցույցներում Հայաստանի և հայկական զրոսաշրջային արդյունքի ներկայացում	Հայաստանի և հայկական զրոսաշրջային արդյունքի ներկայացում. առնվազն մեկ երկրում Հայաստանի զրոսաշրջության խթանում առնվազն մեկ միջազգային հեղինակավոր զրոսաշրջային ուղեցույցում			
1.2.	Միջազգային հեղինակավոր զրոսաշրջային ցուցահանդեսներում Հայաստանի և հայկական զրոսաշրջային արդյունքի ներկայացում	Կապահովվի Հայաստանի մասնակցությունը միջազգային հեղինակավոր զրոսաշրջային ցուցահանդեսների, կներկայացվի հայկական զրոսաշրջային արդյունքը՝ համագործակցելով նաև ԼՂՀ-ի շահագրգիռ կողմերի հետ, ի նպաստ միջազգային շուկայում հայկական զրոսաշրջային արդյունքի պատշաճ ներկայացման, հայկական և	Մասնակցություն և հայկական զրոսաշրջային արդյունքի պատշաճ ներկայացում առնվազն 8 միջազգային հեղինակավոր զրոսաշրջային ցուցահանդեսների՝ յուրաքանչյուր ցուցահանդեսին ապահովելով առնվազն 3			



		օտարերկրյա զբոսաշրջային օպերատորների գործարար կապերի հաստատման և ամրապնդման գործընթացին «Road Show»-ների կազմակերպում, ինչպես նաև հայկական մշակույթի ներկայացում օտարերկրյա լրատվամիջոցների և զբոսաշրջային գործակալների համար	զբոսաշրջային օպերատորի մասնակցություն  Ցուցահանդեսներին մասնակցության շրջանակներում կկազմակերպվեն առնվազն 3 «Road Show»-ներ, կներկայացվի հայկական մշակույթը			
1.3.	Օտարերկրյա լրագրողների և զբոսաշրջության ոլորտի մասնագետների և պոտենցիալ ներդրողների Հայաստան ճանաչողական այցերի կազմակերպում	Կկազմակերպվի օտարերկրյա լրագրողների, զբոսաշրջության ոլորտի մասնագետների, պոտենցիալ ներդրողների ճանաչողական այց Հայաստան՝ երկիրը, հայկական զբոսաշրջային արդյունքը, Հայաստանում ներդրումային հնարավորությունները ներկայացնելու և համապատասխան լրատվամիջոցներով միջազգային շուկայում Հայաստանը և հայկական զբոսաշրջային արդյունքը ներկայացնելու ու խթանելու նպատակով	Առնվազն 20 օտարերկրյա լրագրողների ու մասնագետների ճանաչողական այց Հայաստան			
2.	Ավանդական տոնակատարությունների և փառատոների կազմակերպման ապահովում	Համայնքներում զբոսաշրջության զարգացմանը, համաչափ տարածքային տնտեսական զարգացմանը, հայկական զբոսաշրջային արդյունքի դիվերսիֆիկացմանն ու մրցունակության բարձրացմանը նպաստելու նպատակով պետություն-մասնավոր հատված համագործակցությամբ կկազմակերպվեն ավանդական փառատոներ և տոնակատարություններ	Կապահովվի համայնքների զբոսաշրջային ներուժի, տեղական ուտեստների, արհեստագործական և այլ արտադրանքների ներկայացումը և ճանաչելիության բարձրացումը	ՀՀ էկոնոմիկայի նախարարություն  Հայաստանի զարգացման հիմնադրամ (համաձայնությամբ)	2015 թ. ընթացքում	ՀՀ պետական բյուջե  ՀՀ օրենքով չարգելված այլ աղբյուրներ

			Կապահովվի փառատոների ինստիտուցիոնալացումը, ավանդական, ամենամյա, ներքին ու միջազգային շուկայում ճանաչելի ու գրավիչ դառնալը			
2.1.	Պետական աջակցություն Հայ խոհարարական ավանդույթների զարգացման և պահպանման հասարակական կազմակերպությունը՝ Ավանդական ուտեստների մրցույթ-փառատոնի կազմակերպման համար	Կկազմակերպվի ավանդական ուտեստների մրցույթ-փառատոն	Ավանդական ուտեստների փառատոնի պատշաճ կազմակերպում առնվազն ՀՀ Լոռու մարզի Ախթալայի համայնքում՝ շրջակա համայնքների ու մասնավոր հատվածի շահագրգիռ կողմերի մասնակցությամբ և համագործակցությամբ՝ ապահովելով առնվազն 5000 այցելու  Փառատոնի ընթացքում կկազմակերպվեն մրցույթներ տարբեր անվանակարգերով		2015 թ. սեպտեմբեր	

2.2	Պետական աջակցություն «Արենի» փառատուն» հիմնադրամին՝ Գինու փառատունի կազմակերպման համար	Փառատունը կկազմակերպվի ՀՀ Վայոց ձորի մարզի Արենիի համայնքում	Գինու փառատունի պատշաճ կազմակերպում՝ հյուրընկալող և շրջակա համայնքների մասնակցությամբ ու համագործակցությամբ՝ ապահովելով առնվազն 5000 այցելու ՀՀ Վայոց ձորի մարզի Արենիի, Ռինդի և այլ համայնքներում  Փառատունի ընթացքում կկազմակերպվեն մրցույթներ տարբեր անվանակարգերով		2015 թ. հոկտեմբեր	
2.3.	Զբոսաշրջության միջազգային օրվան նվիրված տոնակատարության կազմակերպում	Կկազմակերպվի միջոցառում՝ նվիրված Զբոսաշրջության միջազգային օրվան	Զբոսաշրջության միջազգային օրվան նվիրված տոնակատարության պատշաճ կազմակերպում		2015 թ. սեպտեմբեր	
2.4.	Պետական աջակցություն այլ փառատուների ու տոնակատարությունների կազմակերպմանը	Փառատուները կկազմակերպվեն ՀՀ տարբեր մարզերում՝ հյուրընկալող և շրջակա համայնքների մասնակցությամբ ու համագործակցությամբ	Առնվազն 2 այլ փառատուների պատշաճ կազմակերպում		2015թ. ընթացքում	
3.	Զբոսաշրջային ենթակառուցվածքների զարգացում	Կապահովվի հյուրանոցային տնտեսության օբյեկտների (ՀՏՕ) որակավորման և պարբերական գնահատման գործընթացը	Հյուրանոցային տնտեսության օբյեկտներում կիրականացվի որակավորման գործընթաց՝ ըստ ներկայացված հայտերի	ՀՀ էկոնոմիկայի նախարարություն  Հայաստանի զարգացման հիմնադրամ	2015 թ. ընթացքում	ՀՀ պետական բյուջե

			Առնվազն 3 հյուրանոցային տնտեսության օբյեկտներում կիրականացվի պարբերական գնահատման գործընթաց	(համաձայնությանը)		
4.	Մարդկային ռեսուրսների զարգացում	Զբոսաշրջության ոլորտը բարձրակարգ կադրերով ապահովմանն ուղղված միջոցառումների իրականացում		ՀՀ Էկոնոմիկայի նախարարություն	2015 թ. ընթացքում	ՀՀ պետական բյուջե
4.1.	Պետական աջակցություն զբոսավարների միջազգային ուսումնական կենտրոնի գործունեությանը	Զբոսավարների ստացիացիաների համաշխարհային ֆեդերացիայի հետ համագործակցության շրջանակներում Երևանում զբոսավարների միջազգային ուսումնական կենտրոնի գործունեության ապահովում	Կապահովվի կենտրոնի բնականոն գործունեությունը  Կապահովվի առնվազն մեկական միջազգային և տեղական դասընթաց	Հայաստանի զարգացման հիմնադրամ (համաձայնությանը)		ՀՀ օրենքով չարգելված այլ աղբյուրներ
4.2.	Զբոսաշրջային տների (B&B) համակարգի և մարդկային ռեսուրսների զարգացում	Կիրականացվեն միջոցառումներ՝ ուղղված ՀՀ համայնքներում զբոսաշրջային տների (B&B) համակարգի և այդ համակարգում ընդգրկվող մարդկային ռեսուրսների զարգացմանը	ՀՀ առնվազն 1 մարզի համայնքների առնվազն 20 բնակիչների համար կկազմակերպվեն ուսումնական սեմինարներ			
5.	ՀՀ մրցունակ և շարունակական օդային փոխադրումների ծառայությունների մատուցման ծրագրի խթանում	ՀՀ մրցունակ և շարունակական օդային փոխադրումների ծառայությունների մատուցման ծրագրի իրականացումն ապահովող միջոցառումների խթանում, մասնավորապես, կապահովվի մասնակցություն Շոտլանդիայում «Routes Europe' 2015» համաժողովին, Հարավային Աֆրիկայում «World Routes' 2015» և	Կապահովվի մասնակցությունը երեք միջազգային համաժողովներին, գործնական կապեր կհաստատվեն նոր ավիափոխադրողների հետ՝ նրանց հնարավոր մուտքը Հայաստանի ավիափոխադրումների	ՀՀ Էկոնոմիկայի նախարարություն	2015 թ. ընթացքում	ՀՀ պետական բյուջե  ՀՀ օրենքով չարգելված այլ աղբյուրներ

		Տարածաշրջանային ավիացիոն «Routes CIS' 2015» համաժողովին	շուկա խթանելու համար			
6.	Զբոսաշրջության բնագավառում միջազգային համագործակցության ապահովում	Զբոսաշրջության ոլորտում իրավապայմանագրային պարտավորությունների կատարման, ինչպես նաև միջազգային համագործակցության առավել ակտիվացման ապահովում	Կիրականացվեն միջազգային համագործակցության շրջանակներում միջոցառումներ, հանդիպումներ, ընդունելություններ, կկատարվեն երկկողմ իրավապայմանագրային պարտավորություններ, կապահովվի պետական և մասնավոր հատվածի ներկայացուցիչների մասնակցությունը ՄԱԿ-ի Զբոսաշրջության համաշխարհային կազմակերպության, այլ միջազգային կազմակերպությունների ու գործընկերների կողմից կազմակերպվող ծրագրերին, համաժողովներին, աշխատանքային հանդիպումներին, վերապատրաստումներին:	ՀՀ Էկոնոմիկայի նախարարություն  Հայաստանի զարգացման հիմնադրամ (համաձայնությամբ)	2015 թ. ընթացքում	ՀՀ պետական բյուջե  ՀՀ օրենքով չարգելված այլ աղբյուրներ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ